


海倫縣志



同

同名行記

海倫縣誌

目錄

地誌門 總論

沿革

疆域 界限 循還路線 方位 面積
四時氣候 山脈 河流 文報 郵政

交通 鐵路 電綫 文報 郵政
船舶

人物 節孝 孝子

古蹟 四方台 仁壽鏡 德政匾額 三殤墓
德政牌樓附跋 德政牌

政治門

吏治 沿革 歷任姓氏 官廨

自治 城鄉議董會 宣講所 自治研究所
經費預算數目

警政 區域界限 城鄉組織人數 經費額數

禮俗 婚禮 喪禮 賓禮 祭禮
祀事

刑法 刑名 審判

教育門



學校 概論
種類 沿革 現在所有學校
耶蘇教 已未就學兒童數目 學產
天主教

實業門

農業 已墾未墾地 穀類種數 畜牧

工業 工場產額種類 勞動人數

商業 種類 販買物 每歲出入價額
商會組織法

漁業 種類

鹽政 鹽池產額 出入數 銷售法

物產 植物 動物

財政門

田賦 民地 官地 賦額 實徵法


捐稅 種類 稅局徵收法 收入數目
統捐局徵收法 收入數目

錢幣 官銀分號 廣信分司

度量衡制度

各項經費出入 未減政前之出款 減政後之出款
附審檢所之出款

兵制門



陸防軍 禁衛軍 兵二營 步二營
步三營 步四營
民 國 總公所 三鎮 四鄉八區

總論

一縣之史乘必根於一縣之歷史海倫歷史在前清御極二百五十年內尚
闕焉無聞迨光緒二十三年以皇家圍場地放荒招墾旋設通肯副都統
一缺是地之歷史由是而產生然仍所為旂官制無所謂縣歷史也通肯故
荒章程旂領民墾民人無土地所有全席豐履厚之薦紳不屑為旂人但其
應墾而至多徒手無藝人既不材地益不闢閱時七年不覘成效今
辭職之江蘇^蘇都督程公德全時為齊齊哈爾副都統請於清政府
准令旂民兼墾下部議允之於是富家豪族乃相率而至漢徒闕
隴豪傑以實塞下即此意已來者既衆農事日進結村築社儼然一新世界
焉又以旂官制之不適用於治理也乃請裁通肯副都統設海倫廳直隸
同知治通肯而以柞樹岡所設之青岡縣已拜所設之拜泉縣隸屬焉三
十年得旨允可旂官制之歷史始一燼而為流官制海倫廳之名乃發現
於神州輿圖之上宣統元年改廳為府中華民國二年政府為縣維時
陸軍參謀本部通知各直隸省徵集各縣志乘以資軍用大吏下
其事於縣并臚列目次令速編輯竊維內縣各省之有志多基於數
千百年之沿革損益而來刊有成書藏之寶庫一經調取自不難襄襲

而陳之若海倫則異是也其歷史僅有十七年之經過又其半為旂官治理之時
民戶無多狂榛初闢事事物均一胚胎之景象迨其後流官蒞止所日異不
暇者招墾興商而外惟禦匪靖盜之不遑一切文獻之徵不惟材料不充抑亦采
輯無措然奉飭纂編羽書馳催又豈可付諸闕如無所記載則亦惟有咄
嗟立辨作倉卒主人之饗客而矣今就十七年本縣歷史中所經歷之事
績與夫民國二年之實況勒為是書不文不備之譏知不免已若夫雕
龍之筆全豹之窺綦盡綦詳則請俟諸異日焉

中華民國二年十二月縣知事辛天成屬藁

科員方兆煥謄真

海倫縣志

地誌門

沿革

海倫在前清時為皇家圍場地禁民樵採遊獵其中者惟索倫種人其人逐水草而居無定舍故歷時雖久無屋宇之可尋其生育亦不蕃殖同光間綏化已設通判理旂民事而海倫猶為圍場莫敢涉足即有人而樵刈者亦往往為索倫人苦故土人呼其地為索倫箐嘴子即今之鑲紅廂頭井是也該地今有土壘如城縱橫廣數十丈疑即當時索倫人行獵所築藉為守衛而乾乘馬之足者光緒中葉黑龍江將軍屢疏請放荒地皆遭駁斥請不已始允之猶嚴定制限為旂領民墾光緒二十三年始設副都統兼辦墾務因命名為通肯副都統蓋因通肯河旋繞其境而錫之名也三十年黑龍江將軍達桂齊齊哈爾副都程德全始奏請旂民兼墾旋變章倍價廢旂領民墾之制原交荒價每晌七錢者加徵二倍為二兩一錢允之領戶滋衆因裁通肯副都統而設海倫直隸廳同知三十一年部議報可始命今辭職歸里黑龍江都督宋小濂為海倫丞未履任而以經歷黃鈺代理之三十二年匪大起黃代理丞棄城走勅罷之惟時宋亦膺道員保游開其缺而以前

大賚通判今免官還里之黑龍江都督府參謀長卸署民政司徐鼐霖繼
其後亦未到任賊氛緊水火深乃調木蘭縣知縣辛天成升署斯篆十二月
到任匪氛幸平三十四年升補為海同知旋於是年十月裁缺以去繼其任者為
王丞彭宣統元年升廳治為府治仍任王彭為知府宣統二年十二月調嫩
江守周玉柄來守斯郡以與王彭更調中華民國元年三月政府為縣奉
大總統袁任命辛天成為縣知事今仍之

疆域門

界限

正東五十五里至克音河即綏化縣界

正西九十四里至通肯河即拜泉縣界

正南一百六十七里至呼蘭河即綏化縣界

正北七十里至通肯河即擬設之通北縣界

縱二百三十七里

橫一百四十九里

循環路線

一由海倫城正東行十五里至馬家岡又十五里至蕭家店又二十里至老山頭又五里

至雙岔小河是河流入克音河即綏化縣界

一由海倫正西行十二里至趙掌包屯即乾字頭行十井又行三十五里至姜家小鋪屯又行十五里至譚家店又十里至七座房又四里至張家店又十八里至通肯河北河修有大橋一座往來行人不虞濡軌行旅稱便焉河西即拜泉縣界

一由海倫城南行十五里至海倫河北河修有小橋藉利行人又十八里至張家店又十二里至崔家燒鍋又五十里至紅旗高又十八里至蓮花鎮此鎮雖係初設商店已有

數十家緣是鎮之南便於河運故有此繁盛預料將來必成富庶之區又十八里至板子房又十八里至恭字二井即海峰鎮該鎮新放街基高寬宏集將來亦必昌達又十八里至呼蘭河河南即綏化縣界

一由海倫城北行三十里至札喀河是河亦有小橋一座又四里至趙銀匠屯又十六里至墨字段之天主教堂又二十里至通肯河再北即通北縣界

方位

位於黑龍江省城之東距省城五百八十里距京三千五百里經度東經十度四十分緯度北緯四十七度三十分

面積

共三萬六千方里

四時氣候

自立冬起至清明止大寒之月計五箇月自夏至起至秋分止係大暑之月計三箇月自清明起至夏至止計二箇半月又自秋分起至立冬止計一箇半月共計四箇月均屬寒燠適均之候

山脈

祿馬山縣境無多山惟城東北五十里有小山二曰前祿馬山後祿馬山俗稱哈拉

巴山是巴昔年林木繁茂為鬪匪藏身之窟今筍林漸斬居戶日稠匪不踞此為農產地也山之體積周圍不六里高不半里以與大山較實一岡阜耳

綏楞額山 在城東八十里許高廣與馬祿山等下蘊煤鐵惟未開採

河流

河流為一方經絡自古畫疆分界恒必由之按海倫屬境之河通舟楫者有二不通舟楫者有三茲將各河源叙列於左

通肯河 在治城正西距治城一百里自東北大青山發源西南流入呼蘭流在本境延長一百二十里夏令水泛時能通舟楫寬三四五六丈不等最深處

可四五尺如遇夏旱則褰衣可涉


呼蘭河在治城正南距城一百六十七里東由餘慶綏化界西流入縣境至縣之西南端匯通肯河再西南流經蘭西呼蘭界而流入於松花江最寬處可二三里最狹處僅半里許夏令水泛舟楫暢行縣屬粮石多恃此以航運哈爾濱為綏化海倫分界之大河流在縣境延長一百二十五里

海倫河 在治城正南距治城十五里是河發源於正東乾字六行頭井西流至雷家瞭子入於通肯河

札喀河在治城正北距城四十五里發源於大青山西流至雷家瞭子匯於通

肯河并不寬深難通舟楫

克喜河 在治城東三十里發源於大青山西南流入於呼蘭河為綏化海倫
分界之河不通舟楫



交通

鐵路

綏蘭海鐵路之議發起於前清光緒三十四年歷時已久迄未就緒今官紳合力招股興修觀成之期計當不遠查海境路線宜由廂白旗頭井與綏縣啣接再由頭井二井三井之西直達望奎鎮以望奎鎮為一站再由望奎達倫河鎮嚮北渡海倫河經廂紅旗十三井而正藍旗而廂藍旗而水師營而惠字敏字信字寬字恭字各井以抵城西地極平行施工甚易且可吸收倫河望奎兩鎮之糧石及香拜之糞產以運外銷售此其預測之大概也

電綫

前清光緒三十三年十一月創設電報分局於本城計分兩向一自本城往西至通肯河雷家瞭子出境達卜魁一自本城向南至恭字頭井出境達綏化共長三百二十里

文報

前清宣統元年十月創設文報局賃房於本城西大街安設局所東鄉距城五十里之乾字六行頭井設有分局一處城西五十里之信字十二井有分局一處

郵政

前清宣統三年九月創設分局於本城隸屬哈埠郵政總局城西一百十里倫河鎮有分局一處城西南一百八十里望奎鎮有分局一處東北兩鄉俱無分局嗣後當再謀推廣

船舶

海倫正西距治城一百里有通肯河一道夏令水泛可行載重二萬斤之舢板南端之呼蘭河一道可通五萬觔重且之船舶惟因貨物不能直截載運到城是以商家由哈裝運貨物仍以車輛運載為多蓋航運實不若導陸之利便故航業卒難發達其河中船舶以小牛船為一種為最多計有七十餘隻皆裝運糧石而至哈埠因順流泛舟雖遠可達也近有商民倡議擬購喫水一甫特半之小火輪以資拖運亦一興利之道也

人物

節孝

李王氏 係水師營三井佃民李魁武之妻年四十緣伊夫李魁武在民國元年選在預警充差二年一月二十二日在惠字頭井與匪接仗匪眾兵單卒被匪戕王氏聞夫陣亡親往該處與尸安葬謂夫沒於戰事死有餘榮奈膝前一無子女誓以身殉七晝夜水漿不入復吞金環以歿經望奎鎮議董兩會報告縣署請予轉詳旌表以維風化當經據情詳省請旌以光泉壤臨定兩者衆多感哀其過縣知事辛天成輒以聯云男兒死國妻死夫如此完人古今有幾軍士盡忠婦盡節長

留佳話閭里之光

付 蔣五月 係西鄉廂紅旗六井佃民蔣旺之女年十七許於同里韓崑才之子為妻雖訂盟而未納聘崑才死女父母聞婿家貧且病遍體患瘡起卧需人扶持旺躬往視之見其貧病交迫屬實回家與妻孔氏言之而孔氏頓萌悔婚之念日絮聒於夫前至於反目女五月聞之謂母曰此兒命也胡可寒盟誓不易志母不之理卒另許於某大戶之子女知之啜泣不食者數日既而納聘有日知難挽回伺母他出遂懸帶於樑投繯而死里人咸稱其為烈女焉

付 于李氏 係東鄉正紅旗夾荒于泉第三子之妻年二十四歲民國二年二月間有鬻

匪數百人聞伊家富饒蜂擁至彼家攻擊于泉即督同丁衆及婦孺輩禦之相持久卒以衆寡不敵破圍進院家衆皆逃零星散被擊斃者七人該匪女殺無狀既見氏欲強暴該婦知夫已死寧戮不辱罵不絕口匪欲強制之因乘間自刃其腹而死似此不為威劫鄉人咸稱其節操迄今路碣口碑稱道不絕云

晉張氏 係北鄉墨字七井晉德之妻年二十六歲夫既亡故當欲身殉或責以仰事俯畜之義乃止舅姑皆六旬子稚女幼家徒壁立氏苦節自失親井血躬紡織藜藿賴以不絕而性又至孝舅姑歿後喪葬盡哀禮歲時必率子女徒步數十里詣塋所雖一子不肯稍姑息偶廢學與羣兒嬉軌叱責之不少寬假現年六十二子成人女早嫁家道稍充裕猶勤勞家政一如曩昔鄉鄰無不敬重之

孝子

郭增祿係西鄉惠字十五井人性至孝五歲時父遊於俄數年未歸家貧母子依其舅氏王廉度日庚子亂曾有人言其父死於江又聞有見於黑河者屢向母泣曰兒欲尋父可向舅氏婉言借資母曰汝年長大特尋之未晚也母病盡夜侍奉無倦容母每驅之少息曰兒不勞也年餘母沒時年十二號泣慘痛備盡其禮服闋後不知所往意殆尋其父云